

陝西府縣志輯

中國地方志集成

道光 咸豐 同治 光緒 宣統
光緒 咸豐 同治 光緒 宣統
光緒 咸豐 同治 光緒 宣統
光緒 咸豐 同治 光緒 宣統
光緒 咸豐 同治 光緒 宣統

陝西府縣志輯 ④②

清澗縣志序

道光戊子月在孟陬清澗令鍾君致書於余並示所修縣志乞序云舊志刊自乾隆初歲久漫漶弗重加釐訂恐遂廢徵文缺如來者奚倣斯亦官茲土者之耻也爰殫搜紹匡謬補闕得卷八爲目

清澗縣志

序

一

八十屬稿已定次第付梓余亟取觀之僅一卷未及快觀全編得識考據之博要然卽志地理一則足窺見大凡焉青澗置城始自宋將种世衡控制西夏禦衝決勝之要區也屏障陝北險踞西河迄於金元或隸鄜延或隸綏德因之弗

廢有明失東勝守延綏套寇輕騎入掠歲屢爲患自余肅敏徙治榆鎮沿邊築牆軍民始安耕牧

國家承平百八十年朔北思建邊燧靖謐民恬於野樂事勸功累世相承目不覩兵革之事余奉節分巡數載於茲往

清澗縣志

序

二

來經過其地望草場官山諸勝屋比田連無復當年戰壘遺蹟蓋休養生息涵泳於太平之澤久矣夫樂職宣風斯盛德事化民成俗上安平書幸撫熙皞之衆益籌保艾之謀修教因俗變通盡利使循良允播文獻昭垂是所望於賢有

司耳鍾君以粵西名彥擢甲科出宰是邦案牘之餘汲汲志乘之修其於民生利病政術弛張必有勤求弗遑洞悉大體者報最之績殆於是焉儲之而考鏡文學闡揚風化藐茲一邑抑亦徵運際休明鴻業潤色之美余將爲吏治慶已

清澗縣志

序

三

至志之稗擷辯釋折衷求是全書具在後之閱者自能悉之茲不贅
賜進士出身

欽命分巡延榆綏兵備道前刑部浙江
司郎中楊簧書



清澗縣志序

古有九邱之書九畿之籍其地志之權與乎裴秀作地域圖凡分率準望道里高下旁邪迂直靡不辨鑿虞作畿服經凡分野山陵水泉鄉亭國邑風俗靡不詳後世作志者恒倣之一方之掌故不
清澗縣志
馬序
如是不備也清澗爲陝北巖邑山川之險易民物之盛衰城郭祠祀之廢興政治賦役之損益非志以紀之何以考古而證今信今而傳後哉吾友鍾君霽庭出宰斯邑卓有政聲殷然於縣志之輯延吾粵名士陳君第頌及邑之正士黃

君芝王君汝翼相與參訂合以舊本證以羣書訪以遺碑詢以故老芟繁舉要補缺正譌始地理終藝文爲卷凡八起沿革訖詩歌爲目凡八十仰羅星文俯察井牧中詳人事旁據物情其紀事也核而精其詞也辨而晰洵一邑之信

清澗縣志

馬序

二

史也竊惟作史之難無過於志古稱史有三長尤推二善曰公心也曰直筆也張湯杜周之酷附見他傳公矣而筆或曲焉裴松沈璞之文相訐一時直矣而心或私焉鍾君斯志具才學識三者之長寄衮鉞於片言審是非於衆說心至

公也彰美慝於往前示勸懲於來後筆至直也其諸馬班善善南董惡惡之旨歟自茲以往官斯土者必將懋建乃猷爲邑之良吏生斯土者必將勤砥乃德爲邑之善人章令貞教恒於斯宜民善俗恒於斯鍾君之功不在古良史下矣後之覽者必不以予爲阿所好也賜進士出身翰林院編修陝甘全省學政馮贊勲書

清澗縣志

馬序

三



清澗縣志序

嘗考周禮小史掌邦國之志外史掌四方之志
土訓誦訓之職或掌地圖或掌方志志之由來
舊矣秦中州郡之書其最著者何景明雍大記
三十六卷李應祥雍勝畧二十四卷南軒關中
文獻志八十卷遐稽往事備載舊聞詳而且瞻
矣下至縣邑之志如康對山志武功呂涇野志
高陵韓五泉志朝邑 立山志富平劉九經志

清澗縣志

序

一

郡王漢陂志 類皆以一代偉才具絕大手筆
故卓然成一家言足以永垂不朽其他縣邑諸
志指不勝屈求如對山先生輩之簡而能該繁
而不緲者不數數觀焉志豈易言也哉清澗在
禹貢為雍州西河之域春秋為白狄地秦為上
郡地時猶未置城邑也漢興以來屬囿陰縣置
城邑矣然非即今縣治也元魏時始於今治後
山砦置石城縣唐初復於石城廢縣置寬州宋

康定初乃分寬州舊城之半築青澗城金大定
間改城為縣明洪武間又改青為清清澗之名
所由 也縣之舊志創自前明嘉靖間萬歷間
復重修之 國朝一修於順治十八年一續於
乾隆十七年迄今多歷年所其間陵谷之變遷
政教之因革及夫賢人君子忠孝節烈之行不
可勝紀一聽其湮沒而不加修亦守土者之過
也章元不敏來尹是邦顧惟闕遺固敢暇逸粵

清澗縣志

序

二

以道光七年三月集議開局商推古今補其散
亡正其紕繆而且遠尋舊蹟近採新聞人蕭寺
而剔殘碑過荒村而咨遺耆探討不憚其煩折
衷必歸於是凡十閱月而觀厥成迺撫卷而嘆
曰志者記也記其實也地理記而識廣輪建置
記而識興廢祠祀記而知神保之用饗田賦記
而知民力之普存職官記而觀感興選舉記而
激勸切人物記而溯典型之所在藝文記而覘

運會之所趨一方掌故蓋於斯乎畧備矣抑又聞之志猶史也足以寓褒善貶惡之義亦猶詩也足以備采風問俗之資草元譔陋自愧無文史家之例詩人之旨概未有得聊記其實而已矣彼對山諸先生得不笑人千古哉繼自今其有探的嚙之藏而抉瑯環之秘者乎尚其匡我不逮取斯志而潤色之且從而釐正之庶於史裁有當也於詩教有合也並與對山諸先生相輝映也後之君子必有起而任其責者章元不敢自護其短也惟日望之矣

道光八年春王正月知清澗縣事鍾章元謹序

清澗縣志

序

三

清澗縣志

凡例

舊志前明創於縣令阮孝修於萬歷間陳令汝元其書久已無存國朝自順治十八年廖令元發重修距今一百六十餘載板已就燬乾隆十七年吳令續修越今亦七十餘載其書又祇詳近事舊事多從刪削茫茫墜緒蒐討綦難今合廖吳二志並廣加採摭輯爲八卷爲目八十較昔差爲詳備云宋人方志皆著所採書名廖吳二志地理沿革門均不明言所本舛錯頗多今博考羣書一一釐正並錄原文於後庶免無本之譏

清澗縣志

卷首 凡例

疆域必詳八到以周知地域廣輪之數倣李吉甫元和郡縣志例也

喬三石志耀州謂星野爲秦蜀所共一州二縣小不書其論甚允第以前志相沿始仍其舊

欽定西域圖志首列暑度蓋以地平經緯各有積差遠近旣殊暑度亦異今特據縣治測定北極高低及東西偏度附載於篇

北谷壯陵各有定位指其所在即可共知若水道則必詳原委地志之恒例也其山川重見古蹟者或詳於彼而畧於此悉於本條注明

志載景致所以紀一萬之勝邑舊有十景命名不甚雅馴然人所習聞縣易反足駭聽姑仍之

方志家多志災祥蓋徵史家五行之例吳志列於武備似屬不倫今仍廖志之舊附於地理

詩首采風禮重成俗昔人風土歲時諸記所由昉也廖志列風俗於地理所以著土風土俗之宜吳志改列田賦似屬未允今從廖志

城池公廨制度故開學校舍旌教養所繫故建賢廟末不厭其詳

廖吳二志建置門俱有釋遞而廖志地理復有墩臺吳志武備清澗縣志

卷首一 凡例

二

復有塘汎殊嫌重複茲以墩臺之有開典要者併入古蹟塘汎之繁乎鄉傳者併入驛遞其墩臺塘汎二門悉從刪

班史地理志始載郡縣王存九域志遂兼載鄉鎮詳益加詳也今里甲既列地理其各市鎮並列建置門

隋書經籍志地理家有廟記一卷爲後人祠祀志所祖會典有大祀羣祀之分州縣長吏以春秋恪共乃事典至鉅也其他并災禦患有功德於民者皆祭法所不廢悉登之

境內前賢祠宇俎豆馨香風勵來諒有功名教者不小故難廢必書

釋老之教吾儒弗道寺觀本非祀典特相沿既久通志刻諸列

祀始從之

廖志祠祀載名人墳墓通志亦列陵墓門吳志改列地理查諸墳墓內有奉文防護者似應仍列祠祀今從廖志

土地戶口相因乃具周禮藏方氏班史地理志其著也茲以戶口次地敵猶前志也

民屯地丁糧草悉遵賦役全書登載其存留起運二項頭緒紛繁徵難勾核吳志析爲解支兩款眉目頗清今悉從之仍錄全書於後以悉原委

續貯關民生大計不可不詳獨殺爲聖世殊恩敎匪編入

邑故無異產然土物之宜何地復有舊志物產門寥寥數種若

清澗縣志

卷首一 凡例

三

其不備今將所有常產應列之計二百餘種志盛也

職官作表昉自孟堅而陳永因之今畧倣其例蓋爲門類各以年之先後爲序其政績足紀者繫之卷末統名宦蹟不復名曰刻傳匪唯不敢直擬正史亦以與舊志人物門竄達等名不容異例也

廖志無營弁吳志列之武備今以人數無多附職官末不另立武備門

宦蹟項諸史傳及舊志原文開或並採兩書亦不敢意爲增竄其近年宦蹟則皆得諸採訪與論會同衮衮不操自我焉邑人之列人物者亦如之

舊志書美不書惡以其非史家列傳比也吳志於前令溫爲諸人美惡並書似乖志體今悉摘出注於職官名下以存其舊不復混入宦蹟

漢重徵辟隋起制科取士初非一格選舉之有志亦古人賢書之遺也樂史江南登科記陳汝元浙士登科錄其義例皆方志家所宜法今悉倣之至封蔭等類前志有之悉仍而不廢云

人物志舊志內皆已終注載者其未膺組纓舊列於各門

人物分忠孝賢達諸名悉仍前志間有移易亦以類從非故爲軒輊也吳志另立仕宦門似可不必今併入賢達

清澗縣志 職官卷一 凡例

四

職官人物現存者止列姓氏履歷不加品評以俟後人之論定惟節婦合例者得備書

職官選舉人物三卷採史傳及廖吳二志者悉爲註明卽縣冊營冊儒學冊採訪冊亦皆註出其有前志遺漏今爲增補者亦悉註明所據

廖吳二志不立藝文固爲闕畧近時方志家又往往廣收博采占其卷幅之半輕重失宜均所不取境內詩文諸刻所在多有凡夫文人騷士寄興揮毫無闕縣境者雖美勿登

奏議敷陳治道天下之文章莫大於是故首錄之其序記詩歌有資考據者以次附錄

藝文志諸作者姓名有不登職官選舉志者於藝文本名下附書之新唐書藝文志例也

是志自道光七年三月開局纂修十閱月而就殫力蒐羅終虞轉滯願博雅君子加正焉

清澗縣志 藝文卷一 凡例

五

修志名氏

鑒定

提督陝甘全省學政翰林院編修加三級鴻臚卿

署理陝西等處承宣布政使司布政使加三級方啟豫

整飭分巡延榆綏等處地方兵備道加三級楊 贊

署理綏德直隸州知州大荔縣知縣加三級郭培毅

纂輯

清 洞 縣 知 縣 鍾 章 元

協修

署清洞縣儒學訓導候補教諭王昭賢

清洞縣志

卷首一名氏

清 洞 縣 儒 學 訓 導 郭 交 榮

清 洞 縣 儒 學 訓 導 郭 開 望

參訂

乙 酉 科 舉 人 陳 第 頌

戊 午 科 舉 人 筆 學 書 院 山 長 黃 楚

癸 酉 科 舉 人 王 汝 冀

校刊

署寶雞華陰等縣教諭候補訓導原貢生王允恭

邑 附 生 惠 敦 仁

邑 附 生 師 中 甲

邑 附 生 蕭 爾 杰

邑 廩 生 王 允 文

邑 附 生 王 尚 簡

採訪 邑 附 生 郝 屏 藩

邑 附 生 王 炳

邑 附 生 王 偉

邑 附 生 白 驪

分採

署直隸沙河縣知縣成申科舉人張 源

清洞縣志

卷首二名氏

孝 廉 方 正 楊 行 芳

兵部差官寅科武舉候銓守備隨帶軍功加二級白廷樞

候 補 訓 導 廩 貢 生 白 廷 彥

候 補 訓 導 廩 貢 生 白 清 揚

已 酉 科 武 舉 賀 助

壬 子 科 武 舉 惠 植

甘肅典史署寧夏經歷州判職銜王允修

思 貢 生 李 疎 林

恩 貢 生 賀 子 廉

邑 拔 貢 生 王 毓 秀

俊錄

邑

附

生惠泰階

邑

附

生李增魁

邑

廩

生高蔚才

邑

附

生師升秀

邑

附

生王錫輝

勸對

邑

附

生張登第

邑

典

吏李映竹

邑

典

吏高聖選

清湖縣志

卷首

名氏

五

邑

典

吏師觀揚

邑

典

吏蕭士萃

邑

典

吏師承恩

邑

典

吏惠席珍

邑

典

吏李際野

邑

典

吏陳昌安

刊

典

吏趙承璧

板唐正益

長安人

修志名氏終

廖志原序

知縣廖元發序曰夫志以紀實也邾邑有志山川險易土地物

乏田賦物力之盈調官師人物之良否士習民風之醇薄備載

於斯採風者按圖而稽據若指掌則紀載之中寓有考核臣斯

士者因仍釐革斟酌則創仿故實而法蓋美因時變而施補救

則紀載之中又寓有觀型志固一邑之寶錄也而鑑於焉已

清志創始於前宰阮公孝再成於陳公汝元悉心與圖演為治

蹟是志與政相通也兵燹之後殘編毀於蠹魚梨棗付之回祿

版籍弗存考索何由惟我 聖清定鼎法令一新然因革損益

每考掌故清固邊荒下邑風土人情猶有先代之遺問志則何

清湖縣志 卷首 舊序

畧弗備文獻之謂何而聽其湮沒無徵耶余承乏斯邑與學士

大夫商榷及此慨然慨然乃時當勞午諸務未遑有志弗逮會

太史蒞調白公以讀禮旋旌旆之後余執席昔博採故老傳聞

間有記憶阮陳一二舊什諸虛就正公以纂修大訓之手數以

雕龍補虎之才雪標白子素承家訓紹述有繼及以身為圖歷

者藁以風雅如數家珍兼之諸紳士各以見聞所及聚為四卷

首以地理志形勝也次以建置志觀瞻也次以祠祀志對越也

狂士作貢則田賦有志分職授政則官師有志地靈人傑賢哲

興矣人物不可以無志書計拾秀舉彰美選舉又不可以無

志書成不憚碌碌因人成事之誚欲授之梓旋承大方伯陳公

其修通省不遺於清晏捧檄惟愛錄冊而上之人曰省有志來
茲何庸贅余曰否省志其要請志其詳辟知身之有臂臂之有
指大小雖殊血脉流貫無少間也語不云乎海岱之王支
流餘派亦自成渠秦為羣岳之宗寸壤卷石亦以爲量清雖彈
丸黑子職方氏之所不遺則星拱基置以謝全秦之盛以成一
邑之觀者豈贅地也哉余故付之訓剛氏俾觀風者不擇葑菲
寄土者有所驗証斯志亦庶幾有小補也夫時順治十八年歲
在辛丑清和月分龍簡之吉

邑人白乃貞序曰 國家肇造區夏齊教誕敷海外內罔不
率俾幅員之廣郡邑繡錯民生其間異質土地異宜風俗異尚
清澗縣志 卷首三 序

物產異用貢賦異等且吏治人文異齊苟非載記充詳曷以彰
一統之盛哉故志以記事而貢九邱古之志也周禮邦國之志
小史掌之四方之志外史掌之職方氏掌四方之圖以掌天下
之地辨其邦國都鄙之人民與其財用穀畜之數要周知其利
害所記九州之山川藝戔民利穀畜如指諸掌不綦詳哉噫志
之由來遠矣我 清重熙累洽化浹方州將考天下載記以成
一統之書昭示來茲凡郡邑之長各稽遠歷彙輯見聞以俟采
擇則今日邑志所緣作也吾邑舊志明昉於阮公繼修於陳公
自兵火之餘卷帙散失梨棗供藥下問其掌故於何考乎志固
可弗修歟邑侯庾公與余同第南宮除宰吾邑六載於茲亟成

化理歲既久其於田賦民物風氣教養之事靡不悉已慨然於
載記之弗存欲有以志之會奉當事者檄乃進博士弟子員與
王大夫而謀焉吳虞壽善遂討論遺編博詢近事刪繆補闕彙
爲全冊爲卷若干綱舉目張余覽而嘆曰侯良吏哉識良史也
晉史佚作史取郡邑志撮其要韓昌黎過鄆州亦索圖經資政
實是邑之志史之權輿也今縣以史才作志事也乎哉展卷
觀之直書厥事不掩浮夸稽其民生之繁耗土地之廣狹風俗
之淳漓物產之豐歉貢賦之給損吏治之得失人文之振靡燦
然明備確乎有據上之 朝廷爲實錄垂之奕世爲信史倘後
此君子詳考盛衰修教齊政防微慎漸務使後者日進於盛而
清澗縣志 卷首三 序

吳志原序

知縣吳其發序曰清澗古荒服地白翟居之入於魏併於秦元
昊之亂宋种世衡築砦守之大定間始設縣治福國二百餘里
爲榆延衝途予於乾隆十二年秋來蒞茲土顧其地高山環抱
民皆溝居澗飲不通商販所恃者方田一遇天旱坐以待稿生
計蓋亦艱矣而其人類多強梁驕悍輕生健鬪過鄰之習也
幸而絀誦遍野就縣試者千二百餘人沿途諸邑女風首推清

自明以來登甲乙榜者不絕予向體各憲之心撫摩煦味之巡
鄉村委婉開導欲以挽其頹風其年於茲荷天之休雨賜時
歲皆有秋慨然曰前事之不忘後事之師也况表章前徽正
所以鼓勵後起乎續修縣志萬不可緩惟清澗之有志華於前
令阮君再成於陳君又成於廖君今所流傳者廖君所修也爲
卷則四爲目則七凡地理建置祠祀田賦官師人物選舉畧備
成於順治之辛丑距今已九十餘年矣遲之又久文獻日涸後
之人何以考鏡得失爰命兒子至微細羅編輯子爲之斟酌討
論共八卷閱月而告成將以就正於士憲而授之梓凡前志所
已載者概不錄遺漏者補之舛錯者更之期於典制備微顯
清澗縣志 卷首三 舊序 四

開幽爲主嗚呼既富方穀爾士民幸生 聖世時和年豐熙熙
皞皞可不思所以自樹立乎試思康熙元年以來閱幾何年得
名列是書者曾幾何人是不惟千不得一且萬不得一也而列
名簡編之人亦非怪異奇特不可學而能也循循然自盡其道
而已傳之不朽則我士民可從存欣羨之心乎繼自今勤禮畫
力型仁訪讓比屋可風美不勝收矣此縣令續修縣志之心也
是爲序時乾隆十七年八月土浣

江蘇貢生吳至儼跋曰家君子宰清之六載年豐事簡退食多
暇爰乃優游藝圃考求故實見邑志修自 國初垂九十一年
文獻闕如也失今不修愈久愈湮將不可考集邑士大夫謀之

王大夫俞曰志者傳信之書也貢之邦國爲小史其法嚴其旨
其書繁其文核某等束髮受書習舉子業於體裁未諳也卽
間有能者處宗族鄉黨間人莫不欲表揚其祖父曲筆焉則烏
乎信烏乎傳實紀之將舉起而蓋嘗矣烏乎志竊聞令嗣君多
書能爲詩古文詞願以授之某等以所聞進焉家君子辭不
獲已以命儼儼不敢八齡就傳讀書數百種不滿一車雖熟聞
父御之條論年十六隨宦三秦車馬簿書消磨歲月烏乎知烏
乎政重以家君子命不敢辭乃於七月土浣終始其事投牒者
有疑義出牒相問難歷數十言反覆參考以祈折衷於三一
月晦書成呈於家君子點次焉出稿於外公閱訖無所異同繕
清澗縣志 卷首二 舊序 五

成清本將分呈於本道憲本州憲候裁定然後付梓儼不知果
足傳信否也至其中庸有缺畧則家君子先期數月面以詢之
單以傳之不啻家喻戶曉而猶或漏焉則邑士大夫之責也儼
不任受咎也謹紀其事之顛末如此時乾隆十七年八月土浣

清澗縣志

圖目

縣境全圖

白草一里圖

白草二里圖

白草三里圖

窩兒一里圖

窩兒二里圖

蘇帖一里圖

蘇帖二里圖

蘇帖三里圖

蘇帖四里圖

蘇帖五里圖

蘇帖六里圖

衙署圖

學宮圖

筆峯書院圖

章元按地理之有圖起於風后後代州稱之者多以圖經爲
號志之有圖所以定方位辨廣輪也清澗省志諸圖殊不相
省今於縣境全圖悉計里開方其像各圖亦
必求其髮髮列諸卷端蓋實與志相表裏云

清澗縣志

卷首四 諸圖

縣境全圖





